



# Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ E-mail: Info@xs.uz

2021 йил 4 июнь, № 117 (7897)

Жума

Сайтимизга ўтиш учун QR-кодни телефонингиз орқали сканер қилинг.



## ЕР СОҲАСИДАГИ МУНОСАБАТЛАРНИ ТУБДАН ТАКОМИЛЛАШТИРИШ БЎЙИЧА ТАКЛИФЛАР КЎРИБ ЧИҚИЛДИ

Ўзбекистон Республикаси Президенти Шавкат Мирзиёев 3 июнь куни ер муносабатларини такомиллаштириш масалалари юзасидан йиғилиш ўтказди.

Ер — умуммиллий бойлик. Кейинги йилларда ушбу ресурсдан оқилона фойдаланиш ва уни муҳофаза қилиш, ер муносабатлари соҳасида қонунийликни таъминлашга алоҳида эътибор қаратилмоқда. Хусусан, ахборот технологияларини жорий қилиш орқали ер ажратиш тартибининг очиклиги ва шаффофлиги ортиб бормоқда, соҳада бюрократик тўсиқлар бартараф этилмоқда.

Бирок ер ресурсларини талон-торож қилиш, ўзбошимчилик билан эгаллаш ва ноқонуний сотиш ҳолатлари ҳали ҳам қўрилмоқда. Ноқийлоқ ва қийлоқ хўжалиги ерларини ажратиш тартиби барча учун бир хил ва шаффоф эмас.

Давлатимиз раҳбари бу борадаги камчиликларни кескин танқид қилиб, ерни бозор активига айлантириш, унинг иқтисодий қийматини белгилаш ва молиявий оборотга киритиш бўйича ишларни жадаллаштириш, ер ажратиш ва ундан фойдаланиш соҳасида давлат ва жамоатчилик назоратини кучайтириш зарурлигини таъкидлади.

— Бугунги кун тартибидagi масала жуда мураккаб. Бу соҳада қонун устуворлигини таъминлаш бўйича олиб борилаётган ишлар ўз ижобий натижасини топмапти. Ер — халқни боқаятган мулк. Еримизга бўлган муносабатни мутлақо ўзгартиришимиз керак, — деди давлатимиз раҳбари.

Йиғилишда ер ажратиши ва ундан фойдаланиши устидан назорат механизмларини такомиллаштиришга алоҳида эътибор қаратилди. Жумладан, туман ҳокимларининг ер ажратиш ва қайтариш олиш ҳақида қарор қабул қилиш ваколати тўлиқ бекор қилинади. Вилоят ҳокимининг ер муносабатларига доир барча қарорлари адлия бошқармасида ҳуқуқий экспертизадан ўтказилади.

## ЎЗБЕКИСТОН ВА ҚОЗОҒИСТОН ПРЕЗИДЕНТЛАРИ ТЕЛЕФОН ОРҚАЛИ МУЛОҚОТ ҚИЛДИЛАР

Ўзбекистон Республикаси Президенти Шавкат Мирзиёев 3 июнь куни Қозоғистон Республикаси Президенти Қосим-Жомарт Тоқаев билан телефон орқали мулоқот қилди.

Икки томонлама ва минтақавий ҳамкорликнинг долзарб масалалари муҳокама қилинди. Давлат раҳбарлари куни кеча Нур-Султон шаҳрида ўтган икки мамлакат Бош вазирлари учрашувининг самарали натижаларини юксак баҳоладилар. Савдо ва логистика, саноат кооперацияси соҳаларида, замонавий транспорт коммуникациялари ва туризм инфратузилмасини ривожлантириш бўйича устувор лойиҳаларни илгари суришга алоҳида эътибор қаратилди.

Шунингдек, Президентлар парламентлараро алмашинув кенгайиб бораётгани ҳамда айни кунларда Тошкент шаҳрида Сенат раҳбарлари даражасидаги қўшма комиссиянинг биринчи йиғилиши ўтказилаётганини мамнуният билан қайд этдилар.

## САМАРАЛИ МУЛОҚОТЛАР, ХАЛҚАРО ЭЪТИРОФ ВА ИСТИҚБОЛ

Шу йилнинг 31 май — 3 июнь кунлари Исломбод шаҳрида Иқтисодий ҳамкорлик ташкилоти (ИХТ) Парламент Ассамблеясининг иккинчи йиғилиши бўлиб ўтди.

### Хамкорлик

Мазкур йиғилишда Олий Мажлис Қонунчилик палатаси Спикери Н. Исмоилов бошчилигидаги Ўзбекистон парламенти делегацияси ҳам иштирок этди. Тадбирнинг мақсади — Иқтисодий ҳамкорлик ташкилотига аъзо мамлакатлар ўртасидаги муносабатларни кенгайтириш, иқтисодиёт, савдо-сотиқ, логистика, илм-фан, соғлиқни сақлаш, туризм соҳасидаги алоқаларни мустаҳкамлаш ва янада ривожлантиришнинг устувор позицияларини уйғунлаштириш.

Ушбу тадбирда Покистон Президенти доктор Ариф Алви сўзга чиқди ва Иқтисодий ҳамкорлик ташкилотига аъзо мамлакатлар ўртасидаги тарихий, диний ҳамда маданий бирлик ва ҳамжиҳатликни мустаҳкамлаш таъминлашнинг илгари сурди. А. Алви томонларнинг савдо ҳамда иқтисодий, маданий ва ижтимоий, транспорт ҳамда логистика йўналишлари бўйича амалий сўб-ҳаракатларини янада ошириш зарурлигини таъкидлаб ўтди.

## ПРЕЗИДЕНТ ВАЪДА ҚИЛГАН «СПАРК» АВТОМАШИНАСИ ЭГАСИГА ТОПШИРИЛДИ

Сурхондарё вилояти ҳокими Тўра Боболов Термиз шаҳридаги Ал-Ҳаким ат-Термизий номли 1-вилоят ёш физик-математиклар мактаб-интернатининг 10-синф ўқувчиси, Зулфия номидаги Давлат мукофоти совриндори Рухшона Абдуразақовага Президентимиз совғаси — «Спарк» энгил машинасини топширди.



Давлатимиз раҳбари жорий йилнинг 1-2 июнь кунлари Сурхондарё вилоятига ташрифи доирасида Термиз шаҳридаги Боғишамол маҳалласида бунёд этилган 9 қаватли уйлари бориб кўрди ва замонавий уйда истиқомат қилаётган икки оила — Наргиза Раҳимова ҳамда Фаррух Эгамовнинг хонадонларида бўлди.

Президент осмонўпар янги уй эгаларига уратилган шароитлар билан танишиб, самимий суҳбатлашди. Н. Раҳимованинг қизи Зулфия номидаги Давлат мукофоти соҳибаси Рухшона Абдуразақова ўзининг ҳаёти, таълим соҳасидаги ютуқлари, адабиёт йўналишидаги изланишлари ҳақида гапириб берди. Яқинда Ёшлар иттифоқи сардори этиб сайланганини фахр билан сўзлади. Истеъдодли ёш ижодкор давлатимиз раҳбарига китобларини тўхфа этди.

## СУВ ТАҚЧИЛЛИГИ:

Қишлоқ хўжалиги мамлакатимиз иқтисодийнинг энг муҳим соҳаларидан. Негаки, у экспорт салоҳиятини ошириш, аҳоли бандлигини таъминлаш, даромадини кўпайтиришда асосий манбалардан биридир. Эътибор қилинг, бугунги кунда иқтисодиёт тармоқларида меҳнат қилаётган аҳолининг қарийб 30 фоизи, яппи ички маҳсулотнинг 33 фоизи аграр йўналиш улushiга тўғри келади.

## МУАММО, ИЗЛАНИШ ВА НАТИЖА

Қолаверса, озик-овқат хавфсизлигини таъминлаш ҳам ушбу соҳа равнақи билан чамбарчас боғлиқ. Бирок аграр тармоқдаги бу каби муҳим вазифалар ижросини сув хўжалиги истиқболсиз тасаввур қилиб бўлмайди. Дарҳақиқат, юртимизда қишлоқ хўжалиги маҳсулотларининг асосий қисми 4,5 миллион гектарни ташкил этадиган суғориладиган майдонларда етиштирилади. Шу маънода, бу йилги суғориш мавсумида сув таъминоти меъёрига нисбатан 25 фоиз кам бўлиши прогноз қилинганининг тасдиқлангани нафақат тақдирини замин билан боғлаган деҳқонларни, балки барчани ташвишга солгани бор гап.



Мазкур йиғилишда сўзга чиққан Олий Мажлис Қонунчилик палатаси Спикери Нурдинжон Исмоилов мамлакатимизда Президентимиз Шавкат Мирзиёев раҳбарлигида олиб борилаётган демократик ўзгаришлар, ижтимоий-иқтисодий соҳадаги ислохотлар, парламент ҳаётидаги янгиликлар ҳақида тўхталди. Шу-

## Ташриф Ўзбекистон — Қозоғистон: ПАРЛАМЕНТЛАРАО АЛМАШИНУВ КЕНГАЙМОҚДА

2021 йил 3 июнь куни Қозоғистон Республикаси парламенти Сенати Раиси Маулен Ашимбаев расмий ташриф билан Ўзбекистонга келди.

Ислон Каримов номидаги Тошкент халқаро аэропортида юксак мартабали меҳмонни Ўзбекистон Республикаси Олий Мажлиси Сенати Раисининг биринчи ўринбосари Содиқ Сафоев, Қозоғистон Республикасининг Ўзбекистон Республикасидаги Фавқулодда ва мухтор элчиси Дархан Сатибалди ҳамда бошқа расмийлар кутиб олди. Шу куни Қозоғистон Республикаси парламенти Сенати Раиси Маулен Ашимбаев Тошкентдаги Мустақиллик ва эзгулик монументи пойига гул кўйди.

Мазкур ёдгорлик мамлакат пойтахтининг диққатга сазовор жойларидан биридир. Монумент Ўзбекистон чегаралари акс этган тилларанг Ер шари ва бахтиёр она хайкалидан иборат. Ушбу бадиий мажмуа ўзбек халқининг тинчлик, озодлик, меҳр-оқибат ҳамда аҳил қўшичиликка, кексалар қувончи





